

XIV - PRELAZNE I ZAVRŠNE ODREDBE

174

Član 73.

(1) Propise iz člana 32. donijet će Skupština u roku od 3 godine od dana stupanja na snagu ovog Zakona

(2) Propis iz člana 36. donijet će ministar u roku od 3 mjeseca od dana stupanja na snagu ovog Zakona.

(3) Lokalne planove i programe jedinica lokalne samouprave iz člana 34. donijet će predstavničko tijelo jedinice lokalne samouprave u roku 3 godine od dana stupanja na snagu ovog Zakona.

(4) Propis iz člana 25. donijeti će ministar u roku tri mjeseca od dana stupanja na snagu ovoga Zakona.

(5) Propis iz člana 41. donijeti će ministar u roku tri mjeseca od dana stupanja na snagu ovoga Zakona.

Član 74.

Svi postupci koji su započeti do dana stupanja na snagu ovoga Zakona, a nisu pravomoćno okončani rješavati će se po odredbama Zakona koji je bio na snazi u vrijeme podnošenja zahtjeva.

Član 75.

Danom stupanja na snagu ovoga Zakona na području Kantona prestaje važiti Zakon o zaštiti okoliša HNK („Službene novine HNK“, broj: 7/04).

Član 76.

Ovaj Zakon stupa na snagu osmog (8) dana od dana objavljivanja u «Službenim novinama Hercegovačko-neretvanskog kantona».

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-XV-192/12
Mostar, 31.05.2012. godine

P R E D S J E D A V A J U Ć I
Ramiz Jelovac, s.r.

Na osnovu člana 39. Ustava Hercegovačko-neretvanskog kantona (“Službene novine HNK”, broj: 2/98, 4/00 i 7/04), Skupština Hercegovačko-neretvanskog kantona je, na sjednici održanoj 31.05.2012. godine, donijela

Z A K O N
O FONDU ZA ZAŠTITU OKOLIŠA
HERCEGOVAČKO-NERETVANSKOG
KANTONA

I – OPĆE ODREDBE

Član 1.

Ovim Zakonom se osniva Fond za zaštitu okoliša Hercegovačko-neretvanskog kantona (u daljem tekstu: Fond), utvrđuje formiranje, organizacija, rukovođenje i upravljanje Fondom, imovina i poslovanje Fonda, izvori, namjena i način korištenja sredstava Fonda, te uređuju druga pitanja u vezi s pribavljanjem i upravljanjem sredstvima Fonda.

Član 2.

Fond je javna ustanova koja ima svojstvo pravnog lica i upisuje se u sudski registar.

Član 3.

Djelatnost Fonda je prikupljanje i distribuiranje finansijskih sredstava za zaštitu okoliša, a koristit će se za sljedeće namjene:

- a) suzbijanje štete po okoliš kada se ne može primijeniti princip odgovornosti za izvršavanje štete jednom licu,
- b) troškove sprječavanja ili otklanjanja štete po okoliš koja zahtjeva neposrednu intervenciju,
- c) unapređenje razvoja ekonomske strukture povoljne po okoliš,
- d) očuvanje zaštićenih prirodnih područja,
- e) unapređenje ekološke svijesti javnosti,
- f) istraživanje okoliša,
- g) očuvanje, održivo korištenje, zaštita i unaprjeđivanje stanja okoliša,
- h) finansiranje pripreme izrade, provedbe i razvoja programskih dokumenata i sličnih aktivnosti u područjima očuvanja, održivog korištenja i korištenja obnovljivih izvora energije.
- i) podrška ostvarivanju zadataka koji proizilaze iz obaveza i odgovornosti prema međunarodnoj zajednici u području zaštite okoliša;

Hercegovačko-neretvanskog kantona

- j) podrška mjerama s ciljem zaštite okoliša, osobito u području razvoja i finansiranja informativnog sistema, naobrazbe i širenja informacija;
- k) zaštitu, očuvanje i poboljšanje kvalitete zraka, tla, voda i mora, te ublaživanje promjena i zaštitu ozonskog omotača;
- l) saniranje, poticanje izbjegavanja i smanjivanja nastajanja otpada;
- m) iskorištavanje vrijednih svojstava, te obrade otpada;
- n) zaštitu i očuvanje biološke i pejzažne raznolikosti;
- o) provođenje energetske programe;
- p) programa razminiranja;
- q) unaprjeđivanje i izgradnju infrastrukture za zaštitu okoliša;
- r) poboljšanje praćenja i ocjenjivanja stanja okoliša, te uvođenje sistema gospodarenja okolišem;
- s) poticanje održivog korištenja prirodnih dobara;
- t) poticanje održivih privrednih djelatnosti, odnosno održivog ekonomskog razvoja;
- u) poticanje istraživačkih, razvojnih studija, programa projekata i drugih aktivnosti, uključujući i demonstracijske aktivnosti.

Član 4.

(1) Djelatnost Fonda obuhvata poslove u vezi s pribavljanjem sredstava, poticanjem i finansiranjem pripreme, provođenja i razvoja programa, projekata i sličnih aktivnosti u oblasti očuvanja, održivog korištenja, zaštite i unaprjeđivanja stanja okoliša i korištenja obnovljivih izvora energije, a posebno:

- a) stručne i druge poslove u vezi s pribavljanjem, upravljanjem i korištenjem sredstava Fonda,
- b) posredovanje u vezi s finansiranjem zaštite okoliša iz sredstava stranih država, međunarodnih finansijskih institucija i organa, te domaćih i stranih pravnih i fizičkih lica,
- c) pružanje stručnih usluga u vezi s finansiranjem zaštite okoliša,
- d) vođenje baze podataka o programima, projektima i sličnim aktivnostima u području zaštite okoliša, te potrebnim i raspoloživim finansijskim sredstvima za njihovo ostvarivanje,
- e) obavljanje i drugih poslova u vezi s poticanjem i finansiranjem zaštite okoliša utvrđenih Statutom Fonda,
- f) poticanje, uspostavu i ostvarivanje saradnje s međunarodnim i domaćim finansijskim institucijama i drugim pravnim i fizičkim licima radi finansiranja zaštite okoliša u skladu sa strategijom zaštite okoliša, planovima zaštite

okoliša donesenim na osnovu Strategije, međunarodnim ugovorima čija je članica Bosna i Hercegovina, te drugim programima i spisima u području zaštite okoliša.

(2) Fond može obavljati i druge djelatnosti utvrđene Statutom koje služe obavljanju djelatnosti iz stava 1. ovoga člana.

(3) U vezi s obavljanjem djelatnosti Fonda kao javne ustanove, Fond ima ovim Zakonom propisane javne ovlasti u okviru kojih donosi upravne i druge akte, te odlučuje o pitanjima značajnim za upravljanjem sredstvima Fonda.

(4) U obavljanju svoje djelatnosti Fond primjenjuje načela transparentnosti i javnosti, objektivnosti i odgovornosti u odlučivanju i primjene međunarodno priznatih standarda dobre prakse.

Član 5.

U obavljanju svoje djelatnosti Fond promoviše ciljeve i načela zaštite okoliša radi postizanja sistematskog i cjelovitog očuvanja kvalitete svih komponenti okoliša, očuvanja prirodnih zajednica i racionalnog korištenja prirodnih dobara i energije, kao osnovnih uvjeta održivog razvoja, a sve u cilju postizanja osnovnog prava građanina na zdrav okoliš.

II – ORGANIZACIJA FONDA

Član 6.

(1) Naziv Fonda je - Fond za zaštitu okoliša Hercegovačko-neretvanskog kantona.

(2) Sjedište Fonda je u Mostaru.

Član 7.

(1) Fond je javna ustanova koja djeluje u skladu s propisima koji regulišu rad ustanova, ako ovim Zakonom nije drugačije utvrđeno.

(2) Fond ima svojstvo pravnog lica s pravima, obavezama i odgovornostima utvrđenim ovim Zakonom, drugim zakonima i Statutom Fonda.

(3) Fond je neprofitno pravno lice i ima jedan žiro-račun.

(4) Rad Fonda je javan.

Član 8.

Fond upravlja i raspolaže namjenskim sredstvima utvrđenim ovim Zakonom.

Član 9.

(1) Fond ima Statut i druge opće akte, u skladu sa zakonom i Statutom Fonda.

(2) Statut Fonda donosi Upravni odbor uz saglasnost osnivača.

Hercegovačko-neretvanskog kantona

(3) Statutom Fonda pobliže se uređuje:

- a) djelokrug rada;
- b) ustrojstvo, ovlaštenja i odgovornost rukovodioca Fonda;
- c) ograničenja u pogledu stjecanja, opterećivanja i otuđivanja nekretnina i druge imovine Fonda;
- d) namjena, način raspoređivanja, odnosno korištenja sredstava Fonda;
- e) javnost rada Fonda, saradnja s kantonalnim organima i drugim pravnim i fizičkim licima u ostvarivanju djelatnosti Fonda;
- f) obavljanje stručnih, administrativnih i drugih poslova Fonda;
- g) pitanja za koja je propisano zakonom da se uređuju Statutom;
- h) druga pitanja od značaja za obavljanje djelatnosti i poslovanje Fonda.

(4) Finansijska sredstva za osnivanje Fonda osigurava osnivač.

(5) Za svoje obaveze Fond odgovara svom svojom imovinom.

(6) Osnivač Fonda je odgovoran za obaveze Fonda do visine osnivačkog uloga.

(7) Statut i drugi opći akti Fonda objavljuju se u "Službenim novinama Hercegovačko-neretvanskog kantona".

Član 10.

(1) Fondom upravlja Upravni odbor.

(2) Upravni odbor sastoji se od pet članova koje imenuje i razrješava Vlada na prijedlog resornog Ministarstva.

(3) Predsjednik i članovi Upravnog odbora moraju imati univerzitetsko zvanje i završen VII stepen stručne spreme.

(4) Upravni odbor se imenuje na period od četiri godine.

Član 11.

Upravni odbor u svom djelokrugu vrši sljedeće poslove:

- a) donosi Statut i druge opće akte Fonda;
- b) donosi finansijski plan, utvrđuje program rada, usvaja godišnji obračun i izvještaj o radu;
- c) stara se o blagovremenom prilivu sredstava u Fond kao i transparentnom odlivu istih;
- d) održava fiskalni balans i ne dopušta stvaranje finansijskih obaveza Fonda prema korisnicima koje ne može pokriti iz prihoda;
- e) imenuje i razrješava direktora;
- f) imenuje komisije i radna tijela Upravnog odbora;

g) utvrđuje stope naknada u okviru ovlasti danih na osnovu zakonskih odredaba;

h) zaključuje po potrebi ugovor s korisnicima sredstava Fonda;

i) vrši i druge poslove u skladu sa zakonom, Statutom i drugim općim aktima Fonda.

Član 12.

(1) Upravni odbor donosi odluke prostom većinom svih članova Odbora.

(2) Statutom se može odrediti o kojim pitanjima je Upravni odbor dužan donijeti odluke konsenzusom.

Član 13.

(1) Nadzor nad radom Fonda vrši Nadzorni odbor.

(2) Nadzorni odbor se sastoji od predsjednika i dva člana.

(3) Predsjednika i članove Nadzornog odbora imenuje i razrješava Vlada na prijedlog Ministarstva.

(4) Predsjednik i članovi Nadzornog odbora moraju imati univerzitetsko zvanje i završen VII stepen stručne spreme.

(5) Predsjedniku i članovima odbora može se obnoviti mandat jednom.

Član 14.

Nadzorni odbor vrši sljedeće poslove:

a) analizira izvještaje o radu Fonda;

b) vrši uvid u godišnje izvještaje o poslovanju i godišnji finansijski obračun Fonda;

c) izvještava Vladu, a Vlada izvještava Skupštinu.

Član 15.

(1) Fondom rukovodi direktor.

(2) Direktor predstavlja i zastupa Fond.

(3) Direktora bira i imenuje Upravni odbor uz saglasnost Vlade.

(4) Direktor se bira na osnovu javnog konkursa objavljenog u najmanje dva dnevna lista koja pokrivaju područje Kantona, za period od četiri godine.

(5) Za direktora Fonda imenuje se lice koje ima univerzitetsko zvanje i završen VII stepen stručne spreme.

(6) Djelokrug, ovlaštenja i odgovornost direktora utvrđuje se Statutom Fonda.

Član 16.

(1) Fond ima upravne, nadzorne, stručne i savjetodavne službe.

(2) Osnivanje, sastav i način rada, te poslove i ovlaštenja organa iz stava 1. ovoga člana uređuju se Statutom Fonda.

Član 17.

(1) U Fondu se obavljaju stručni, administrativni i drugi poslovi radi ostvarivanja djelatnosti Fonda utvrđenih članom 3. i 4. ovog Zakona.

(2) Sredstva za obavljanje stručnih, administrativnih i drugih poslova Fonda osiguravaju se iz ukupnog prihoda Fonda.

III – FINANSIRANJE

Član 18.

Prihodi Fonda za finansiranje zaštite okoliša osiguravaju se iz:

- a) naknada zagađivača okoliša i korisnika okoliša;
- b) posebnih naknada za okoliš od registracije motornih vozila;
- c) pokloni, zajmovi i krediti;
- d) sredstava osiguranih na osnovu međunarodne bilateralne i multilateralne saradnje, te saradnje u zemlji na zajedničkim programima, projektima i sličnim aktivnostima u području zaštite okoliša;
- e) darovanim sredstvima i drugim vidovima podrške;
- f) drugih izvora sredstava određenih posebnim zakonima, drugim propisom ili ugovorom.

Član 19.

(1) Zagađivači okoliša, obveznici plaćanja naknada iz člana 18., stav 1. tačka a) ovog Zakona, su:

- a) pravna i fizička lica čije djelovanje neposredno ili posredno uzrokuje onečišćavanje okoliša u smislu Zakona o zaštiti okoliša, drugih okolišnih zakona i/ili međunarodnih propisa;
- b) pravna i fizička lica koje proizvode ili uvoze proizvode/robe koje su štetne tvari ili ih sadrže, u skladu sa Zakonom o zaštiti okoliša, drugim propisima i/ili međunarodnim propisima, odnosno, proizvode/robe koji mogu značajnije opteretiti okoliš;
- c) energetske subjekti koji obavljanjem energetske djelatnosti onečišćuju okoliš, te pravna lica koja potrošnjom energije onečišćuju okoliš.

(2) Korisnici okoliša, obveznici plaćanja naknade iz člana 18., stava 1. tačka a) ovog Zakona su pravna i fizička lica koja su vlasnici ili ovlaštenici prava na građevinama, odnosno građevnim cjelinama koje služe za obavljanje privredne ili druge djelatnosti za koje je propisana obaveza izrade studije o procjeni uticaja na okoliš.

(3) Obveznici plaćanja posebne naknade iz člana 18., stav 1., tačka b) su pravna i fizička lica koja su vlasnici ili ovlaštenici prava na motornim vozilima.

Član 20.

(1) Fond donosi rješenja o naknadama u okviru povjerenih javnih ovlaštenja.

(2) Iznosi naknada iz člana 18., stav 1., tačka a) ovog Zakona koje plaćaju zagađivači okoliša iz člana 19., stav 1., tačka a) i tačka b) određuju se prema:

- a) količini, jačini uticaja i/ili vrsti ispusta zagađujućih tvari, odnosno, ispusta topline, buke, vibracije, radijacije u zrak, odlaganja otpadnih tvari, koje neposredno ili posredno nakon upotrebe proizvoda/roba i/ili hemijskih proizvoda dolaze u okoliš, te drugih zahvata ili pojava nepovoljnih za okoliš;
- b) cijeni, odnosno carinskoj vrijednosti proizvoda/robe, te količini i stepenu štetnosti ili nepovoljnog uticaja na okoliš, odnosno opterećenja;
- c) cijeni usluge;
- d) te na drugi način utvrđen propisom iz stava 5. ovoga člana.

(3) Iznosi naknada iz člana 18., tačka a) koje plaćaju energetske subjekti, te pravna lica iz člana 19., stav 1., tačka c) ovog Zakona određuje se prema:

- a) vrsti energenata, načinu i uslovima proizvodnje energije;
- b) energetske efikasnosti primjenjenih tehnologija, te vrsti tehnologija i mogućnosti korištenja proizvedene energije iz obnovljivih izvora;
- c) te na drugi način utvrđen propisima iz stava 5. ovoga člana.

(4) Iznosi naknada iz člana 18., stav 1., tačka a) koje plaćaju korisnici okoliša iz člana 19., stav 2. ovog Zakona određuje se prema:

- a) veličini i vrsti građevine, građevinske cjeline, odnosno zahvata (površine, namjeni, vrsti gradnje, kapacitetu i dr.) i stepenu negativnog uticaja na okoliš,
- b) te na drugi način utvrđen propisom iz stava 5. ovoga člana.

(5) Iznosi naknada iz člana 18., stav 1., tačka b) koje plaćaju vlasnici ili ovlaštenici prava prema motornim vozilima iz člana 19., stav 3. ovog Zakona, određuje se prema:

- a) vrsti i starosti motornog vozila;
- b) vrsti motora, pogonskog goriva i radnom obimu otpora;
- c) te na drugi način utvrđen propisom iz stava 5. ovoga člana.

Hercegovačko-neretvanskog kantona

(6) Detaljne mjere i način određivanja naknada iz st. 1., 2., 3., i 4. ovog člana propisat će kantonalni ministar nadležan za okoliš.

Član 21.

(1) Vrste i iznose naknada i posebne naknade utvrđene članom 18., stav 1., tačka a) i tačka b) obveznike plaćanja utvrđene članom 19., stav 1. i 2., te povlastice, odnosno oslobađanja ili olakšice za obveznike plaćanja naknada iz člana 19. ovog Zakona, propisat će Vlada Kantona.

(2) Način obračuna i plaćanja, te rokove obračuna i plaćanja iz stava 1. ovoga člana propisat će kantonalni ministar nadležan za okoliš.

(3) Naknade utvrđene u skladu sa stavom 1. ovoga člana uplaćivat će se u korist Fonda, danom stupanja na snagu propisa iz stava 1. ovoga člana.

Član 22.

(1) Fond je dužan obveznicima plaćanja, utvrđenim odredbama čl. 19. i 21., stav 1. ovog Zakona, uspostaviti i voditi registar obveznika plaćanja naknada i sredstava iz člana 18. ovog Zakona.

(2) Sadržaj, način i rokove uspostave i vođenja registra propisat će kantonalni ministar nadležan za okoliš.

(3) Obveznik plaćanja upisan u registar dužan je prijaviti Fondu prestanak poslovanja, statusnu promjenu ili promjenu djelatnosti u roku od 15 dana od dana nastanka tih promjena.

Član 23.

(1) Sredstva koja se prikupljaju od naknada iz člana 18. stav 1. tačka a) i tačka b) bit će raspoređena između Federacije i Kantona u odnosu 30% naspram 70% (Federacije 30% - Kanton 70%).

(2) Sredstva koja pripadaju Fondu u skladu sa st. 1. ovoga člana uplaćuju se Fondu, odnosno u Budžet Kantona do uspostave Fonda.

Član 24.

Fond može učestvovati u sufinansiranju programa, projekata i sličnih aktivnosti za namjene iz stava 1. ovoga člana, koje organizuju i finansiraju međunarodne finansijske institucije i organizacije.

Član 25.

(1) Sredstva Fonda dodjeljuju se pravnim i fizičkim licima, korisnicima sredstava, radi finansiranja namjena utvrđenih članom 26., stav 1. ovog Zakona, putem zajmova i pozajmica, subvencija, garancija, darovanja (donacija), na osnovu javnog poziva koga

objavljuje Fond ili na drugi način propisan Statutom Fonda.

(2) Fond je dužan pri dodjeli sredstava primjenjivati načelo po kome se raspoloživim sredstvima treba postići najveća ukupna korist po okoliš.

(3) Općim aktima Fonda utvrđuju se uslovi koje moraju ispunjavati i korisnici sredstava Fonda, uslovi za dodjelu zajmova i pozajmica i drugih sredstava Fonda, mjerila ocjenjivanja zahtjeva za dodjelu sredstava Fonda, odnosno programa, projekata i sličnih aktivnosti, način praćenja namjenskog korištenja sredstava i ugovorenih prava i obaveza, te druga pitanja od značaja za dodjelu i korištenje sredstava Fonda.

(4) Opće akte iz stava 3. ovog člana donosi Upravni odbor uz saglasnost Ministarstva.

(5) Korisnici sredstava Fonda su dužni dodijeljena sredstva koristiti na način i za namjene utvrđene ugovorom o korištenju sredstava.

IV – IMOVINA I FINANSIJSKO POSLOVANJE FONDA

Član 26.

(1) Imovinu Fonda čine stvari, prava i ostala sredstva pribavljena od osnivača, sredstva koja Fond pribavi obavljanjem svoje djelatnosti ili na drugi način propisan ovim Zakonom.

(2) Imovinom Fonda raspolaže Upravni odbor i direktor Fonda uz saglasnost osnivača u skladu sa zakonom i Statutom Fonda.

Član 27.

Ako u obavljanju svoje djelatnosti Fond ostvari dobit, ta dobit pripada Fondu i može se upotrijebiti isključivo za obavljanje i razvoj djelatnosti Fonda, u skladu s ovim Zakonom i Statutom Fonda.

Član 28.

(1) Za svaku poslovnu godinu Fond donosi finansijski plan uz saglasnost Vlade.

(2) Fond donosi program rada i za četverogodišnji period, u skladu s Planom zaštite okoliša, lokalnim planovima zaštite okoliša, te drugim dokumentima i propisima u području zaštite okoliša, za namjene utvrđene ovim Zakonom uz saglasnost Vlade.

Član 29.

(1) Fond može preuzimati srednjoročne i dugoročne obaveze uz prethodnu saglasnost Vlade.

(2) Ukupna godišnja obaveza Fonda iz stava 1. ovog člana za naredni period može iznositi najviše do 20% ostvarenih sredstava u prethodnoj godini.

Hercegovačko-neretvanskog kantona

Član 30.

(1) Sredstvima Fonda prvenstveno se finansiraju planovi, programi, projekti i slične aktivnosti, utvrđeni u skladu s Planom zaštite okoliša, lokalnim planovima zaštite okoliša te drugim dokumentima u području zaštite okoliša.

(2) U finansiranju planova, programa, projekata i sličnih aktivnosti utvrđenih u skladu sa stavom 1. ovog člana, Fond saraduje s bankama i drugim finansijskim institucijama.

V – JAVNOST RADA FONDA

Član 31.

(1) Rad Fonda je javan.

(2) Fond će podnijeti Vladi izvještaj o radu i izvještaj o realizaciji finansijskog plana i programa za proteklu godinu u roku utvrđenom Statutom Fonda.

(3) Fond o svom radu izvještava javnost pravovremeno i istinito na način određen Statutom Fonda.

(4) Fond je dužan javnosti, ovlaštenim organima i pravnim licima koja obavljaju javne djelatnosti, na njihov zahtjev, pružiti informaciju o obavljanju svoje djelatnosti, posebno o načinu korištenja sredstava i postignutim efektima na unaprjeđivanju stanja okoliša, te omogućiti uvid u odgovarajuću dokumentaciju.

(5) Fond može uskratiti davanje informacije, odnosno uvid u dokumentaciju, ako je Statutom Fonda propisana kao službena, poslovna ili naučna tajna.

Član 32.

(1) Nadzor nad obračunom i plaćanjem naknada od strane obveznika u Fond u skladu sa ovim Zakonom i podzakonskim aktima donesenim na osnovu ovoga Zakona obavlja Ministarstvo finansija Hercegovačko-neretvanskog kantona, kantonalna tržišna inspekcija, kantonalna inspekcija zaštite okoliša i kantonalna inspekcija zaštite prirode.

(2) Upravni nadzor, nadzor nad zakonitošću rada i općih akata Fonda obavlja nadležno Ministarstvo.

VI – KAZNENE ODREDBE

Član 33.

(1) Novčanom kaznom od 3.000,00 KM do 12.000,00 KM kaznit će se Fond ako ne uspostavi ili ne vodi registar obveznika plaćanja na propisani način (član 22.).

(2) Za prekršaj iz stava 1. ovoga člana kaznit će se odgovorno lice u Fondu novčanom kaznom od 1.000,00 KM do 3.000,00 KM.

Član 34.

(1) Novčanom kaznom od 1.000,00 KM do 10.000,00 KM kaznit će se pravno i fizičko lice iz člana 19. stav 1. i 2. ovoga Zakona koje:

a) kao obveznik plaćanja ne uplaćuje naknade i sredstva, predviđena u članu 18. stav 1. tačka a) i b);

b) kao obveznik plaćanja upisan u Registar, ne prijavi Fondu u propisanom roku prestanak poslovanja, statusnu promjenu ili promenu delatnosti (član 22. stav 3. Zakona)

(2) Novčanom kaznom od 500,00 do 2.000,00 KM kaznit će se za prekršaj iz stava 1. ovog člana odgovorno lice u pravnom licu;

(3) Novčanom kaznom od 500,00 KM do 1.500,00 KM kaznit će se obveznik plaćanja, fizičko lice iz člana 19. stav 3. koje ne uplaćuje naknade i sredstva predviđena u članu 18. stav 1. tačka b) ovoga Zakona.

VII – PRELAZNE I ZAVRŠNE ODREDBE

Član 35.

Vlada Kantona na prijedlog resornog ministra imenovat će privremenog direktora i privremene članove Upravnog odbora do imenovanja direktora i Upravnog odbora, a najduže na period do 6 mjeseci.

Član 36.

Upravni odbor dužan je donijeti Statut Fonda u roku od 30 dana, a opće akte iz člana 20. ovoga Zakona u roku od 60 dana od dana imenovanja.

Član 37.

Stupanjem na snagu ovoga Zakona prestaju važiti svi propisi koji su bili vezani za Fond za zaštitu okoliša.

Član 38.

Ovaj Zakon stupa na snagu osmog dana od dana objavljivanja u "Službenim novinama Hercegovačko-neretvanskog kantona".

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-XV-193/12
Mostar, 31.05.2012. godine

P R E D S J E D A V A J U Ć I
Ramiz Jelovac, s.r.